

doctrinae sine sophistica intellectus^y congruere et esse veterem et incorruptam ecclesiae doctrinam, veritati obtemperandum est et pias mentes confessio recte sentientium confirmat.

CXXVII.

- 5 Quod de synodis dictum est, id eodem modo de ecclesiasticis scriptoribus intelligi debet. Etsi enim hi quoque bene meriti sunt, praesertim quantas sunt testes veteris et primae ecclesiae apostolorum, tamen alij in alijs materijs fuerunt diligentiores et multa sunt improprie dicta in scriptoribus pijs, ut vix quisquam tam disertus et tam circumspectus est, ut ubique vitare possit ἀκυρολογίας. Saepe et propter temporum consuetudinem praesentes traditiones durius defendunt. Aliquid etiam falsarum opinionum quosdam habuisse apparet ex contagij errorum tunc publice receptorum nec rarum est alicubi veteres scriptores a seipsis dissentire. Quare non sunt sine delectu omnia patrum scripta probanda.

15

CXXVIII.

Semper iudicium sit penes propheticam et apostolicam scripturam et ubicunque vel synodi vel scriptores proponunt aliquid contrarium manifestis testimonijs propheticis et apostolicis, anteferatur vox Dei dictis hominum nec anteferantur dicta hominum doctrinae Christi.

20

[H 4v:] CXXIX.

- Non habent synodi in dijudicatione dogmatum potestatem regiam seu praetoriam. Valet enim sententia synodorum non propter autoritatem ordinis, sed propter verbum Dei, de quo pij suam confessionem alijs ostendunt et ex fontibus ipsis docent hanc esse perpetuam scripturae propheticae et apostolicae sententiam et non aliam.

CXXX.

- Non agnoscamus crimen schismatis, quod petulanter nostris ecclesijs objiciunt pontificij, sed perspicue ac sine ulla ambiguitate affirmamus nos nec descendere nec discessisse a catholica ecclesia, quae symbola amplexa est Apostolicum, Nicaenum, Athanasianum, nec a probatis veteribus scriptoribus. Expresso etiam affirmamus nos amplectipiarum synodorum decreta cum symbolis catholicis congruentia. Abhorremus etiam ab omnibus fanaticis opinionibus, quae pugnant cum symbolis et in hac vera doctrina verum Deum inuocamus, qui se patefecit misso Filio domino nostro Iesu Christo

^y Korrigiert aus „intellectis“ nach C.